



Inatsisartunut ilaasortaq, Sofie Geisler, Inuit Ataqtigiit
Maani/

§ 37 naapertorlugu apeqqutip nr. 161/2019-ip akineqarnera

Inatsisartut suleriaasianni § 37 imm. 1, naapertorlugu Aalisarneq pillugu Ataatsimiititaliarsuarmut ilaasortassanik toqqaanerni angutit arnallu naligiissitaanissaat pillugu inatsit malinneqarsimanera pillugu Naalakkersuisunut apeqquteqarsimavutit. Apeqqutip suliassa-qarfigisannit akineqartussanngorlugit innersuunneqarsimavoq.

Apeqqut 1.

1. Tunngaviumik Inatsisissamut Isumalioqatigiissitamut ilaasortassanik toqqaanermi aallaavigineqarpoq angutit arnallu naligiissitaanissaat pillugu Inatsisartut inatsisaat nr. 3, 29. november 2013-meersoq.

- Aalisarneq pillugu Ataatsimiititaliarsuarmut ilaasortanik toqqaanermi inatsit qulaani taaneqartoq malinneqarpa?

Akissut:

Aalisarnermut, Piniarnermut Nunalerinermullu Naalakkersuisoqarfimmi Aalisarneq pillugu Ataatsimiititaliarsuarmut ilaasortassanik arlaannaannulluunniit attuumassuteqanngitsunik ilaasortassarsiornermi arnamik siulittaasup tullissaanik ujaasisoqarsimagaluarpoq taamanikkulli iluatsinngitsoorsimalluni. Aalisarneq pillugu Ataatsimiititaliarsuarmut arnat marluinnaat ajoraluartumik ilaasortaapput, taakkulu kommuninit aamma Pinngortitaleriffimmit inassutigineqarsimapput, Pinngortitaleriffimmit sinniisussa q aamma arnaavoq. Tassa imaappoq ilaasortaasunit aqqaneq-marluusunit ilaasortat arnat marluupput.

Ataatsimiititaliarsuarmi ilaasortat arnat amerlanerunnginnerat ajuusaarutigaa aamma naak tamanna inatsisitigut piumasaqaataanngikkaluartoq Aalisarnermut, Piniarnermut Nunalerinermullu Naalakkersuisoqarfimmit ilaasortassanik inassuteqarnermi naligiissitaaneq pillugu inatsit suliniaqatigiiffinnut allakkatigut innersuussutigineqartussaasimagaluarpoq.

Soorlu naligiissitaaneq pillugu inatsimmi § 8, imm. 2-mi allassimasoq kattuffiit il.il. immikut ittumik pissuteqarlutik angutit arnallu naligiissitaanissamik piumasaqaammit avaqut-sinnaapput. Inatsimmut immikkut ittumik nassuiaatini suliniaqatigiiffiit arnanik angutinillu sinniisoqarnissaminnut periarfissaqanngitsunut aamma atuuppoq.

Aalisarnermut, Piniarnermut Nunalerinermullu Naalakkersuisoqarfimmi suliniaqatigiiffinnut arnamik inassuteqaateqanngitsunut taamatut inassuteqarsimanermit tunngaviler-

Ulloq: 09-04-2019
Suliap normua:2019-8949
All. nr.: 10438721

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

suummik piumasaqarnissamut pissuteqartoqarsimangilaq suliniaqatigiiffinni arnanik angutinillu aalisarnermut tunngatillugu immikkut ilisimasalinnik pissarsiniarsinnaaneq ajornakusoortorujussoorpasimmat.


Apeqqu 2.

Apeqqu 1-mut akissut naamiuppat: Inatsisartut inatsisaat nr. 3, 29. November 2013-meersoq malillugu Aalisarneq pillugu Ataatsimiititaliarsuarmut ilaasortanik toqqaaneq pisimangippat tamatumunnga suna patsisaava?

Akissut:

Apeqqu 1-imut akissut takuuk.

Inussiarnersumik inuulluaqqusillunga



Jens Immanuelson
Aalisarnermut, Piniarnermut Nunalerinermullu Naalakkersuisoq

INUIT ATAQATIGIIT

Inatsisartuni



26. marts 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

1. Tunngaviusumik Inatsisissamut Isumalioqatigiissitamut ilaasortassanik toqqaanermi aallaavigineqarpoq angutit arnallu naligiissitaanissaat pillugu Inatsisartut inatsisaat nr. 3, 29. November 2013-meersoq.

- **Aalisarnek pillugu Ataatsimiititaliarsuarmut ilaasortanik toqqaanermi inatsit qulaani taaneqartoq malinneqarpa?**

2. Apeqquq 1-mut akissut naamiuppat: Inatsisartut inatsisaat nr. 3, 29. November 2013-meersoq malillugu Aalisarnek pillugu Ataatsimiititaliarsuarmut ilaasortanik toqqaaneq pisimangippat tamatumunnga suna patsisaava?

(Inatsisartuni ilaasortaq Sofia Geisler, Inuit Ataqatigiit)

Tunngavilersuut:

Isumalioqatigiissitamut Ataatsimiititaliarsuarmullu ilaasortanik toqqaanermi aallaavigineqartut assigiinngissimagunarnerat eqqumiiginartippara. Taamaattumik qulaani apeqquqit Naalakkersuisunut nassiuppakka.

Kissaatigivara apeqquqitikka ullut suliffiusut qulit qaangiutinnginneranni akineqarnissaat.